

CYFARFOD: **PWYLLGOR ARCHWILIO**

DYDDIAD: **3 RHAGFYR 2013**

TEITL: **CYLLIDEB REFENIW 2013/14 –
ADOLYGIAD AIL CHWARTER (MEDI 2013)**

PWRPAS: **ADRODDIAD MONITRO AR Y SEFYLLFA ARIANNOL
DDIWEDDARAF**

GWEITHREDIAD: **Derbyn yr wybodaeth, ystyried risgiau sy'n deillio o'r
tafluniadau gwariant ac incwm yn erbyn y gyllideb, a
chraffu penderfyniadau'r Cabinet yng nghyswllt rheoli
cyllidebau'r Cyngor a'i Adrannau.**

SWYDDOG CYSWLLT: **DAFYDD L EDWARDS, PENNAETH CYLLID**

AELOD CABINET: **CYNGHORYDD PEREDUR JENKINS**

1. Yn unol â gofynion Mesur Llywodraeth Leol (Cymru) 2011, disgwylir i'r Pwyllgor Archwilio graffu rhai materion ariannol gan gynnwys adroddiadau monitro cyllideb, lle'n briodol.
2. Cyflwynwyd adroddiadau adolygiad cyllideb chwarter cyntaf i'r Cabinet ar 16 Gorffennaf 2013. Mae'r adroddiad gerbron heddiw yn llawer mwy manwl, sef yr adolygiad cyllideb mwyaf trylwyr yn ystod 2013/14.
3. Felly, mae Cadeirydd y Pwyllgor Archwilio wedi gofyn i ni gyflwyno'r adroddiad Cabinet atodol i'r Pwyllgor Archwilio, i'w graffu ynghyd â phenderfyniadau perthnasol cyfarfod 26 Tachwedd o'r Cabinet.
4. Erbyn dyddiad cyfarfod y Pwyllgor Archwilio, bydd Cadeirydd ac Is-Gadeirydd y Pwyllgor Archwilio wedi mynychu cyfarfod Cabinet 26 Tachwedd fel arsyllwyr, a bwriedir cyflwyno penderfyniadau drafft y Cabinet i'r Pwyllgor Archwilio "ar y bwrdd" ar 3 Rhagfyr.
5. Gofynnir i'r Pwyllgor Archwilio nodi'r sefyllfa a'r risgiau perthnasol yng nghyswllt cyllidebau'r Cyngor a'i adrannau, ystyried penderfyniadau drafft y Cabinet (cyflwynir "ar y bwrdd" ar 3 Rhagfyr), a sylwebu fel bo angen.
6. Yn yr un modd â'r gwasanaethau a adolygir lle mae adroddiadau Archwilio Mewnol yn adnabod risgiau, os yw'r Pwyllgor Archwilio o'r farn fod risg sylweddol gyda chyllideb benodol, gellid gwahodd yr Aelod Cabinet a'r Pennaeth Adran perthnasol i gyfarfod Gweithgor o'r Pwyllgor Archwilio.